

KANTONALNA
PRIVREDNA
KOMORA TUZLA,
BROJ 3
MART 2013. GODINE



KOMORSKI INFORMATOR



SUSRETI PRIVREDNIKA
AUSTRIJE U TK



SJEDNICA KOŠ KOMORSKIH
UDRUŽENJA



"PLAN INVESTICIJA U
RUDNICIMA UGLJA NA TK"



KANTONALNA
PRIVREDNA
KOMORA TUZLA

POSLOVNO- PRIVREDNI
REGISTAR

Poštovani čitaoci!

Kantonalna privredna komora Tuzla uz tehničku podršku firme "Miavision" doo Tuzla, izrađuje Poslovno-privredni registar Tuzlanskog kantona, koji će biti objavljen na internet stranici www.kpktz.ba. Cilj projekta je da se na jednom mjestu objedine sve informacije vezane za poslovno – privredne subjekte koji djeluju na području Tuzlanskog kantona. Uz ovu informaciju, bilježimo i održavanje sjednica odbora kao redovnih aktivnosti u komorskim udruženjima. Značajno je zasjedanje Koordinacionog odbora udruženja Kantonalne privredne komore Tuzla. Članovi ovog komorskog tijela su raspravljali o pokretanju inicijative izvozno-uvoznih privrednih društava sa područja Tuzlanskog kantona za izmjenu tarife o administrativnim taksama te o nepravilnostima koje se odnose na status i položaj članica sa Tuzlanskog kantona u organima VTK/STK BiH. Proteklog mjeseca su bile veoma zapažene sajamske aktivnosti koje je realizovala Komora. Prvo je organizovan nastup na 18. međunarodnom sajmu "Gast" u Splitu. Kvalitetno i uspješno. Datumski, poslije Splita stigao je Osijek. Na "20. jubilarom osječkom sajmu", predstavljeno je u organizaciji Komore 27 privrednih subjekata, udruženja, institucija. Zajednička sajamska postavka nosila je naziv "Privreda TK" i bili smo jedini učesnik sajma iz BiH. Nakon Osijeka, ista postavka je prenesena u Bjelovar, gdje je zabilježen još jedan uspješan sajamski nastup na "16. proljetnom sajmu Bjelovar".



Izdavački savjet:

1. Nedret Kikanović, predsjednik
2. Mirsad Kukić, član
3. Bajazit Jašarević, član
4. Suad Selimović, član
5. Nurdin Žunić, član

Redakcijski kolegij:

1. Jorgovan Begić, predsjednik
2. Nedret Kikanović, član
3. Esad Arnautović, član
4. Nurudin Žunić, član
5. Suad Selimović, član

Izdavač:

Kantonalna privredna komora Tuzla

Gl i odgovorni urednik:

Dino Kalesić, dipl. žurnalista

Tehnička priprema, repro i štampa

C.P.A. Tojšići- Kalesija

Za štampariju:

Vildan Uščuplić - generalni direktor

Tiraž:

500 primjeraka,

Adresa:

Trg slobode bb

e-mail: komora@kpktz.ba

<http://www.kpktz.ba>



Najnovija zbivanja oko proizvodnje mlijeka i kvalitetu mlijeka i mliječnih proizvoda koje konzumiramo u Bosni i Hercegovini pa tako i Tuzlanskom kantonu, zauzimaju najviše prostora u martovskom izdanju „Komorskog informatora“. Mljekari su se okupljali u Komori nekoliko puta tokom marta, održali su više sjednica Odbora Grupacije za mlijeko TK koja djeluje pri Udruženju za poljoprivredu i prehrambenu industriju Kantonalne privredne komore Tuzla. Tema je bila Aflatoksin, ispitavanja, analize, uništavanje, mlijeka, visina otkupne cijene sirovog mlijeka. Održana je i edukacija na ovu temu u

Komori a poljoprivredni proizvođači nisu propustili ove prilike da se obrate javnosti i saopće kako još uvijek nisu dobili podsticaje za prošlu, a o ovoj godini da i ne govorimo. Borili su se i za priznavanje troškova neškodljivog uništavanja toksičnog mlijeka. Kao rezultat analize postojećeg stanja, razmatranja svih nepravilnosti sa kojima se susreću farmeri u proizvodnji mlijeka, nakon brojnih apela za spas farmi, proizvodnje mlijeka, za opstanak mljekarstva na ovom prostoru, upućen je Zahtjev za urgentno djelovanje nadležnim institucijama u TK-a u cilju zaštite domaće proizvodnje mlijeka i zdravlja stanovništva. Upućeni su apeli nadležnima, obaviještena javnost, šta će od svega biti, pokazat će vrijeme. Još je poljoprivrednih proizvođača bilo u privrednoj Komori. Izvoznici šljive iz Bosne i Hercegovine, okupljeni u komorsku Grupaciju. Problemi sa kojima se izvoznici susreću su vezani za obimnu i komplikovanu izvoznu dokumentaciju, carinske barijere, dugotrajno zadržavanje vozila sa voćem u carinskim terminalima. I njima je obećana pomoć.

Bilježimo u Komori još jedan zanačajan privredni skup. "Plan investicija u rudnicima uglja na Tuzlanskom kantonu" naziv je skupa koji je, u okviru redovnih aktivnosti Odbora, organizovalo Udruženje za energetiku, rudarstvo i industriju Kantonalne privredne komore Tuzla. Na kraju, recimo da su Kantonalna privredna komora Tuzla i Privredna komora Austrije organizovale susret privrednika iz Austrije i privrednika sa područja Tuzlanskog kantona. Susretima su prisustvovali privrednici 17 austrijskih i 28 kompanija sa područja Tuzlanskog kantona. Očekivati je pozitivne rezultate razgovora...

Ministarstvo obrazovanja, nauke, kulture i sporta na osnovu Člana 19. tačka 13. stav 2. Zakona o porezu na promet proizvoda i usluga ("Sl. novine Federacije Bosne i Hercegovine", broj: 6/95 i 25/97), rješavajući o zahtjevu Kantonalne privredne komore Tuzla broj: 10/15-4481/99. od 30.04.1999. godine, dalo je mišljenje o oslobađanju poreza na promet glasila "Komorski informator".

Dino Kalesić
gl. i odg. urednik

SADRŽAJ:

	SUSRETI PRIVREDNIKA AUSTRIJE U TK	5
	SJEDNICA KOO KOMORSKIH UDRUŽENJA	6
	"PLAN INVESTICIJA U RUDNICIMA UGLJA NA TK"	7
	PRIVREDA TK NA SAJMU U OSIJEKU	8
	PRIVREDA TK NA SAJMU U BJELOVARU	9
	ODRŽAN 18. SAJAM "GAST" U SPLITU	10
	POSLOVNO- PRIVREDNI REGISTAR KANTONALNE PRIVREDNE KOMORE TUZLA	11
	NEPRAVILNOSTI U TURISTIČKOJ DJELATNOSTI	11
	NOVA ČLANICA KOMORE: OPG "VESELČIĆ"	11
	OMOGUĆITI BRŽI IZVOZ ŠLJIVE	13
	"UGASIT ĆE SE SVE FARME"	14
	EDUKACIJA PRIMARNIH PROIZVOĐAČA	17

CPA d.o.o. - vodeći proizvođač komercijalne ambalaže u BiH



www.cpa.ba

mail: info@cpa.ba tel: +387 35 635 095



GRAFIČKA PRIPREMA



SAVREMENA TEHNOLOŠKA I INFORMACIONA DOSTIGNUĆA



OFFSET ŠTAMPA



PROIZVODNJA REGISTRATORA

Ambalaža za automobilsku industriju


Ambalaža za prehrambenu industriju

Ambalaža za konditorsku industriju

Ambalaža za farmaceutsku industriju

Ambalaža za kozmetičku industriju

Ambalaža za duhansku industriju





Susreti privrednika Austrije u TK...

REGIJA INTERESANTNA AUSTRIJSKOJ PRIVREDI

- Susret privrednika 17 austrijskih i 28 kompanija sa područja Tuzlanskog kantona -



Kantonalna privredna komora Tuzla i Privredna komora Austrije su organizovale susret privrednika iz Austrije i privrednika sa područja Tuzlanskog kantona. Susretima su prisustvovali privrednici 17 austrijskih i 28 kompanija sa područja Tuzlanskog kantona. Bila je ovo ujedno i prilika da se svi prisutni, kroz prezentacije četiri Privredne komore iz regiona, upoznaju sa privrednim potencijalima ovog područja. Predstavljene su privrede i privredne aktivnosti na području Tuzlanskog kantona kao i aktivnosti Kantonalne privredne komore Tuzla a privredna kretanja su prezentirali i predstavnici Područne privredne komore Bijeljina, Područne privredne komore Doboj te Gospodarska komora Posavske Županije. Nakon prezentacija upriličeni su razgovori predstavnika bh i austrijskih kompanija. "U saradnji sa Trgovinskim odjelom austrijske Ambasade smo organizovali ovaj skup za koji želimo da budu temelj kvalitetnije i intenzivnije saradnje u narednom periodu. Ovo je početna faza, inicijalni sastanak, za kvalitetnije upoznavanje sa mogućnostima i potencijalima Tuzlanskog kantona, gdje je šansa za austrijsko ulaganje u Tuzlanski kanton. Vidimo da je veliki interes i to nam daje potvrdu da je ovo nešto što je trebalo i našim i austrijskim privrednicima i da smo napravili dobar potez", izjavio je Nedret Kikanović predsjednik Kantonalne privredne komore Tuzla. Govorio je predsjednik Kikanović i o dosadašnjim ulaganjima austrijske privrede na području Tuzlanskog kantona, o velikim investicijama, o uticaju globalne ekonomske krize na ulaganja i saradnju, o budućim ulaganjima i novim interesima i potrebama za zajedničkim poslovnim iskoracima. Sigmund Nemeti trgovinski savjetnik u Ambasadi Austrije je izrazio zadovoljstvo velikim brojem privrednih subjekata koji su zainteresovani za saradnju, i sa jedne i sa druge strane. "Ovo je interesantna regija za naše privrednike. Inače je Bosna i Hercegovina za nas u posljednje vrijeme veoma interesantna, posebno kada su u pitanju lon poslovi. Pokazuje to i prisustvo



zavidnog broja naših privrednika na skupu u Komori koji žele vidjeti šta su mogućnosti ovog regiona, gdje su potencijalne prilike investiranja i razvijanja privredne saradnje", rekao je savjetnik Nemeti. Privrednici iz Austrije su izazili zadovoljstvo organizovanim susretima, informacijama o privrednim kretanjima šireg regiona i uopšte spremnošću domaćih privrednika na saradnju, zajedničke nastupe na tržištu. "Pokazali smo u najvećoj mjeri zanimanje za infrastrukturne projekte u oblasti industrije. Već su naše firme prisutne na ovom području, imamo zajedničkih poslovnih poteza, želja nam je da se u Bosni i Hercegovini osnuju firme koje će biti partneri u značajnim privrednim projektima u ovoj zemlji u bliskoj budućnosti", izjavio je Wolfgang Schachinger predstavnik firme Buchinger Anlagen Stahl-Rohrbau GmbH. Inače, tokom boravka u Bosni i Hercegovini, za predstavnike austrijskih kompanije su organizovane posjete u nekoliko uspješnih bh kompanija iz regiona kao što su "Xella" Tuzla, "Plamingo" Gračanica, "Širbegović" Gračanica, "Cimos TMD AI" Gradačac, "Bimal" Brčko i "Studen-Agrana" Brčko. U okviru posjete a u partnerstvu sa općinama Gračanica, Gradačac te distrikta Brčko, planirane su i prezentacije privrednih potencijala ovih općina odnosno distrikta, te susreti sa predstavnicima privrednih subjekata na pomenutim područjima.

D.K.





Sjednica KOO komorskih udruženja...

TARIFE VISOKE - PRIVREDNICI TK NISU RAVNOPRAVNO ZASTUPLJENI U VTK/STK BiH

- Preispitati zakon o izmjeni tarifa o taksama - Preporuka za prestanak plaćanja članarine VTK/STK BiH -



Koordinacioni odbor Kantonalne privredne komore Tuzla održao je nedavno sjednicu u proširenom sazivu. Raspravljalo se o pokretanju inicijative izvozno-uvoznih privrednih društava sa područja Tuzlanskog kantona za izmjenu tarife o administrativnim taksama u tarifnim brojevima 83, 86, 87 i 96. Članovi ovog komorskog tijela su na skupu u Komori donijeli zaključak da se putem komorskog sistema (Vanjskotrgovinska komora BiH, Privredna/Gospodarska komora Federacije Bosne i Hercegovine, Privredna komora Republike Srpske i Privredna komora Brčko Distrikta) upute zahtjevi nadležnim državnim organima (Vijeću ministara BiH i Ministarstvu za vanjsku trgovinu i ekonomske odnose) da se izvrše izmjene i dopune Zakona o administrativnim taksama koje se odnose na poglavlje VII "Pristojbe na spise i radnje u postupku neizravnog oporezivanja" ("Službeni glasnik BiH", br. 98 od 10.12.2012.godine). Zaključeno je da se izmjene izvrše u tarifnom broju 83, 86, 87 i 96 gdje su takse povećane i do 100% i da ih se vrati na iznose iz ranijeg perioda. **"Povećanje taxi u navedenim tarifnim brojevima je u suprotnosti sa politikom rasterećenja privrede u 2013.godini i direktno utiče na povećanje troškova poslovanja i smanjenja konkurentnosti naših privrednih društava koja se bave spoljno-trgovinskim poslovanjem. U 2013.godini privrednici Tuzlanskog kantona koji su izvozno orijentisani kao i svi drugi su obeshrabreni ovakvim parafiskalnim nametima i opterećenjem koji još više usložnjava poslovanja i destimulativno djeluje zbog čega se hitno traži da se poduzmu mjere kod Vijeća ministara i nadležnog ministarstva da se preispitaju i povuku navedene izmjene Zakona o administrativnim taksama"**, izjavio je Ramiz Karić dopredsjednik Koordinacionog odbora udruženja Kantonalne privredne komore Tuzla, naglasivši da su zahtjevi upućeni i da se čeka brza reakcija nadležnih. Sa zaključcima su upoznati putem dopisa i Vanjskotrgovinska/spoljnotrgovinska komora Bosne i Hercegovine, te Gospodarska/privreda komora Federacije Bosne i Hercegovine.

Dopis svim tijelima VTK da isprave nepravilnosti

Koordinacioni odbor udruženja Kantonalne privredne komore Tuzla i predstavnici izvozno-uvoznih privrednih društava sa područja Tuzlanskog kantona kao članica Vanjskotrgovinske/Spoljnotrgovinske komore Bosne i Hercegovine (VTK/STK BiH), na sastanku održanom u Komori su razmatrali "Informaciju o položaju privrednih društava Tuzlanskog kantona u organima i tijelima Vanjskotrgovinske/spoljnotrgovinske komore Bosne i Hercegovine. Sa ovog skupa je izvozno-uvozno orjentiranim firmama upućena preporuka za prestanak plaćanja članarine VTK/STK BiH u 2013. godini. **"Pokreće se inicijativa i preporučuje se svim članovima VTK/STK BiH s područja Tuzlanskog kantona da prestanu plaćati članarinu VTK/STK BiH, jer je Odluka o članarini VTK/STK BiH za 2013. godinu broj: VTK-1-342-5/13 od 18.2.2013. godine, donijela nestatutarno izabrana Skupština VTK/STK BiH i kao takva Odluka je iz osnova apsolutno ništavna. Poziva se VTK/STK BiH da Skupštinu VTK/STK BiH vrati u institucionalne okvire, kako bi se spriječilo daljnje kršenje zakonskih, statutarnih i poslovnih procedura u radu organa i tijela, kao i samom funkcioniranju VTK/STK BiH i da sastav organa VTK/STK odražava teritorijalnu i nacionalnu zastupljenost kao i visinu propisane članarine. Traži se, od organa VTK/STK BiH (Skupština, Upravni odbor, Nadzorni odbor) da otklone nepravilnosti koje se odnose na status i položaj članica sa Tuzlanskog kantona u organima VTK/STK BiH, da prouče navedenu preporuku i da nakon toga obavijeste članice VTK/STK sa Tuzlanskog kantona o poduzetim mjerama, u suprotnom članice će pristupiti realizaciji Preporuke o prestanku plaćanja članarine VTK/STK BiH u 2013. godini"**, navedeno je u Preporuci i dopisu koje potpisuje Ramiz Karić dopredsjednik Koordinacionog odbora udruženja Kantonalne privredne komore Tuzla a koji je upućen svim tijelima Vanjskotrgovinske/spoljnotrgovinske komore Bosne i Hercegovine kao i Ministarstvu za vanjsku trgovinu i ekonomske odnose Bosne i Hercegovine.

D.K.





Značajan skup u Komori ...

“PLAN INVESTICIJA U RUDNICIMA UGLJA NA TK”

- Skup u organizaciji Udruženja za energetiku, rudarstvo i industriju Kantonalne privredne komore Tuzla -



“Plan investicija u rudnicima uglja na Tuzlanskom kantonu” naziv je skupa koji je, u okviru redovnih aktivnosti Odbora, organizovalo Udruženje za energetiku, rudarstvo i industriju Kantonalne privredne komore Tuzla. Nurudin Žunić sekretar ovog komorskog Udruženja u pozdravnom je govoru najavio izlaganja o planovima investicija u rudnicima „Banovići”, „Đurđevik” i „Kreka” o kojima su predstavnici ovih rudnika upoznali privrednike iz velikog broja privrednih subjekata sa područja Tuzlanskog kantona koji su prisustvovali ovom skupu. Naglasio je da je glavni cilj organizovanja ovakvog skupa, upoznavanje domaćih privrednih subjekata sa planovima investicija kako bi se mogli pripremiti za učešće na tenderima po javnim pozivima u narednom periodu. Na skupu je još jednom istaknut značaj rudarstva kao temelja življenja na ovim prostorima. Više od 50% GDP na području Tuzlanskog kantona se dobija upravo iz energetskeg sektora i već više od 130 godina sve je naslonjeno na rudarstvo. “Prije 35 godina je izgrađen posljednji Blok 6 u Termoelektrani Tuzla. Sada nam predstoji jedan veliki investicioni ciklus pored ovog redovnog investicijskog plana. To znači da je ovo jedan istorijski trenutak. Rudnici su “porodili” Termoelektranu Tuzla a sada se u planu razvoja očekuje i izgradnja Termoelektane u Banovićima”, izjavio je sekretar Žunić. Već je u pripremi održavanje još jednog značajnog skupa koji će se organizovati na temu procjene učešća domaćih firmi u izgradnji termoenergetskih objekata na području Tuzlanskog kantona, u organizaciji ovog komorskog Udruženja: “Isti je cilj, dakle, u što većoj mjeri involvirati domaće firme u izgradnji tih objekata kako bi dobili multiplikativan učinak na GDP. Svim moramo učiniti napore da se to i desi a nedavne aktivnosti na revitalizaciji Bloka 6, pokazale su da mi imamo izvanredne, kvalitetne i profesionalne firme. Sve ovo prate određeni problemi, konkretno sa Zakonom o javnim nabavkama, ali ako postoji dobra volja, može se doći do toga da što više naših firmi budu, ne samo podgovarači, nego i glavni ugovarači”, rekao je Žunić.

Govoreći o Bloku 7 Termoelektrane Tuzla, o novom investicionom ciklusu, istaknuta je neophodnost pronalaza tržišta za proizvod iz naših rudnika. Dakle, za uglj, ukoliko se želi sačuvati rudnike, potrebno je naći nove kupce pored Termoelektrane Tuzla: “To se rješava i uvijek se kroz istoriju rješavalo u paketu. Još od 1906. godine kada je otvorena prva “kalorična centrala”, bio je to revolucionaran događaj baš kao što je sada u toj kategoriji i novi Blok 7. Postoji tradicija koja se mora nastaviti. Svakih 30 godina se utrostručuju zahtjevi za specijalnom električnom energijom. Moramo biti svjesni da sve mora biti bazirano na principima održivog razvoja. Moramo povećati nivo tehnologije kako bismo imali bolju produktivnost u rudnicima a automatski je to povezano sa podizanjem koeficijenta korisnog dejstva termoelektrana. Sve je to povezano sa novim tehnologijama. Veoma je važno znati da će se svijet u cjelini, vratiti ugljevima. Nuklearne elektrane se neće moći izbjeći u narednih 20-30 godina ali će se uskoro paralelno riješiti prikupljanje CO2. Tehnologija deponovanja ugljen dioksida u zemlju će biti komercijalna već negdje 2020. ili 2022. godine i to će biti veliki napredak u tehnologijama korištenje ugljeva”, izjavio je na kraju Nurudin Žunić sekretar Udruženje za energetiku, rudarstvo i industriju Kantonalne privredne komore Tuzla.

D.K.





Uspješan sajamski nastup...

PRIVREDA TK TRADICIONALNO NA SAJMU U OSIJEKU

- Predstavljeno 27 privrednih subjekata, udruženja, institucija - Privreda TK jedini učesnik sajma iz BiH -



Održan je i "20. jubilarni osječki sajam". Na tradicionalnom sajamskom prostoru na Pampasu, uz prisustvo brojnih uzvanika, privrednika, gostiju i posjetilaca, ovu značajnu sajamsku manifestaciju je otvorio župan Vladimir Šišljagić uputivši čestitke organizatoru na očuvanju tradicije organizovanja sajma, pa čak i u ovim veoma teškim vremenima. **"Posebno raduje da ovaj sajam iz godine u godinu doživljava razvoj, ima sve veći broj izlagača, kvadrata, sve više posjetilaca. To govori da je ova sajamska manifestacija prepoznata na širem regionu i predstavlja vrhunski sajamski događaj ne samo za Osijek, Županiju i regiju nego za cijelu Hrvatsku"**, istakao je osječki župan Šišljagić. Goste su na svečanoj ceremoniji otvaranja sajma pozdravili i gradonačelnik Osijeka Krešimir Bubalo, predstavnik genralnog pokrovitelja Petrokemije te Hrvoje Kralj direktor firme organizatora "Osječki sajam" doo Osijek. **"Zahvaljujem se prije svega pokroviteljima sajma, medijskim partnerima i svima koji su pomogli realizaciju ovog projekta. Ovo je naš zajednički uspjeh i neophodna je bila podrška svih pomenutih da bi danas na ovom mjestu otvorili sajam i rekli da smo realizovali jedan uspješan i dobar projekat. Na 2000 m2 zatvorenog i 5000 m2 otvorenog izložbenog prostora dominira poljoprivredna mehanizacija ali i prehrambeni proizvodi i sve drugo što može biti zanimljivo posjetiocima i gospodarstvenicima. Sajamska priredba dodatno je obogaćena brojnim stručnim predavanjima, okruglim stolovima i prezentacijama, a sve to nije bilo lako organizovati. Osim Županije i Grada, koji već tradicionalno stoje iza svake naše sajamske manifestacije, posebno ističem Županijsku komoru Osijek koja stoji iza nas na našim proljetnim i jesenskim sajamskim manifestacijama već niz godina, a na 20. Osječkom proljetnom sajmu na zajedničkom štandu od čak 110 četvornih metra organizira nastup 16 svojih članica. Veliko je zadovoljstvo je da su, sada već tradicionalno sa nama Sead Čaušević premijer Tuzlanskog kantona i više od 25 učesnika zajedničke postavke Privrede Tuzlanskog kantona koju organizuje Kantonalna privredna komora Tuzla, što ovome sajmu daje i međunarodni karakter"**, istakao je direktor Kralj.

Kako je izjavio direktor Kralj, značajno je učešće i ostalih privrednih komora iz Hrvatske, a svi zajedno bili su sudionici značajnih sajamskih sadržaja koji su upriličeni već od prvog dana nakon obilaska sajamskog prostora. Prvog dana sajma, odmah nakon svečanog otvaranja, na izložbenom prostoru "Privrede Tuzlanskog kantona" za visoku delegaciju predvođenu Županom Šišljagićem i gradonačelnikom Bubalom, te predstavnike medija iz Osijeka, Županije i regije upriličen je prijem, degustacija proizvoda sa područja Tuzlanskog kantona. Visoku delegaciju su na izložbenom prostoru dočekali premijer TK Sead Čaušević, predsjednik i dopredsjednik Kantonalne privredne komore Tuzla Nedret Kikanović i Jorgovan Begić te brojni predstavnici firmi učesnica zajedničke postavke. Na ovogodišnjem jubilarnom sajmu u Osijeku, Privredu TK predstavljali su **"Borplastika Eko" doo Tuzla, "Corn Flips" Srebrenik, "Fana" doo Srebrenik, "Gradačački sajam" doo Gradačac, "Helios" dd Banovići - Industrija domoopreme, "Herceg" doo Srebrenik, "Imel" doo Lukavac, "Indira" doo Gradačac, "Menprom" doo Gornja Tuzla, "Meraklija" - Destilacija MN Seona Srebrenik, "Naturprodukt" doo Gradačac, "Piemonte" doo Tuzla, "Pivara" dd Tuzla, "Prerada i promet mlijeka" Tuzla, "PRO PAK" doo Tuzla, "Seif" doo Kalesija, "Solana" dd Tuzla, Općina Tuzla, Savez udruženja Mreža žena - Veliko srce u BiH, OPG "Veselić" Špionica, Turistička zajednica Tuzlanskog kantona, "Tehnopak" Tuzla, Udruženje žena poljoprivrednih proizvođača "Agro Vražići", "Veda" - "Porta Naturae" doo Srebrenik, "Voćni rasadnik" doo Srebrenik, Vlada Tuzlanskog kantona. Organizator zajedničke postavke Privrede Tuzlanskog kantona je Kantonalna privredna komora Tuzla.**

D.K.





Još jedan sajamski nastup...

PRIVREDA TK NA SAJMU U BJELOVARU

- Predstavljeno više od 25 izlagača -



Kantonalna privredna komora Tuzla je bila organizator zajedničkog nastupa firmi sa područja Tuzlanskog kantona na "16. proljetnom sajmu Bjelovar". Nastup na sajmu koji je održan od 22. do 24. marta na sajamskom prostoru Gudovac, je pomoglo Ministarstvo za razvoj i poduzetništvo Tuzlanskog kantona. Radi se

o međunarodnom sajmu poljoprivrednog, gospodarskog i obrtničkog karaktera, koji svake godine bilježi konstantni rast u broju izlagača i posjetitelja. Sajam ima višestruku korist; osim što poljoprivrednici mogu, po povoljnijim cijenama, kupiti potrebnu sjemensku robu, zaštitna sredstva i mehanizaciju, organizirani su i stručni skupovi, okrugli stolovi, predavanja i prezentacije iz oblasti gospodarstva i poljoprivrede. Akcenat ove značajne proljetne sajamske manifestacije je Sajam poljoprivredne mehanizacije, sa najvećom i najkvalitetnijom ponudom poljoprivredne mehanizacije u RH na jednom mjestu.



"Sajam je puno veći nego ranije što pokazuju i brojke koje su za 15% veće od prošle godine. Na ovogodišnjem sajmu je ukupno 422 izlagača što je pozitivno i za nas u organizaciji, za Grad, regiju ali i za naše posjetitelje, koji imaju puno veći izbor poljoprivredne mehanizacije, što i jeste cilj ovog Proljetnog sajma. Povećanje kvadratata bilježimo i kada je u pitanju otvorena izložbena površina, što prati povećanje broja izlagača. Izlagači dolaze iz 10 država, a novi sponzor proljetnog sajma dolazi iz Srbije, tvrtka Farmtrak. I ovaj Proljetni sajam ponudio je brojna predavanja, okrugle stolove, stručne sku-

pove, a jedno od najvažnijih predavanja bilo je o legalizaciji objekata. Ove godine osigurali smo posjetiteljima i nešto novo, a to je poligon, gdje su mogli isprobati svoje vještine vozeći traktor", rekao je Zlatko Salaj, direktor Bjelovarskog sajma. Zanimljivosti ovog sajamskog događaja u Bjelovaru su da je osim poljoprivredne mehanizacije i svega onog što se uvijek nađe na Proljetnom sajmu, zanimanje pobudilo i organizovanje izložbi životinja, te da je Bjelovarski sajam organizirao je besplatni prijevoz do Sajma vlakom, koji je sva tri dana voziti s autobusnog kolodvora do Sajma (svakih sat vremena). Bjelovarski 16. proljetni međunarodni sajam u Gudovcu otvorio je ministar poljoprivrede Tihomir Jakovina. "Sajmovanje je potrebno, opravdano je i ima svoju svrhu, što pokazuje da nije uzaludno ulaganje Bjelovarsko-bilogorske županije i Grada Bjelovara", rekao je Miroslav Čačija župan Bjelovarsko - bilogorske županije. Na ovogodišnjem sajmu u Bjelovaru, Privredu TK predstavljali su "Borplastika Eko" doo Tuzla, "Corn Flips" Srebrenik, "Fana" doo Srebrenik, "Gradačački sajam" doo Gradačac, "Helios" dd Banovići - Industrija domoopreme, "Herceg" doo Srebrenik, "Imel" doo Lukavac, "Indira" doo Gradačac, "Menprom" doo Gornja Tuzla, "Meraklija" - Destilacija MN Seona Srebrenik, "Naturprodukt" doo Gradačac, "Piemonte" doo Tuzla, "Pivara" dd Tuzla, "Prerada i promet mlijeka" Tuzla, "PRO PAK" doo Tuzla, "Seif" doo Kalesija, "Solana" dd Tuzla, Općina Tuzla, Savez udruženja Mreža žena - Veliko srce u BiH, OPG "Veselčić" Šponica, Turistička zajednica Tuzlanskog kantona, "Tehnopak" Tuzla, Udruženje žena poljoprivrednih proizvođača "Agro Vražići", "Veda" - "Porta Naturae" doo Srebrenik, "Voćni rasadnik" doo Srebrenik, Vlada Tuzlanskog kantona. Organizator zajedničke postavke Privrede Tuzlanskog kantona je Kantonalna privredna komora Tuzla.

D.K.





BiH privreda u Splitu....

ODRŽAN 18. SAJAM "GAST" U SPLITU

- Stalan rast svih ekonomskih pokazatelja -



Na sajamskom prostoru Žnjan u Splitu održan je i 18. međunarodni sajam "Gast". Otvarajući ovu značajnu sajamsku manifestaciju predsjednik Hrvatske Ivo Josipović je govorio o problemu nezaposlenosti i siromaštva u društvu. Istakao je potrebu jačanja optimizma, pronalaženja načina da se pokrene privreda. Izdvojio je neophodnost zajedničkog djelovanja i partnerstva koji su izraženiji nego ikada ranije. Na svečanoj ceremoniji otvaranja sajma, govorio je i Željko Kerum gradonačelnik Splita. Uputio je oštre kritike vlastima i političarima u Hrvatskoj iznijevši nekoliko zamjerki, posebno se osvrnuvši na štetno djelovanje banaka i porezne uprave. Prema njegovim riječima, privreda u susjednoj Hrvatskoj ide u pogrešnom smjeru. Na 18. međunarodnom sajmu "Gast" u Splitu, predstavilo se ukupno 1.100 izlagača i suizlagača iz 11 zemalja. Među njima su bili i predstavnici Bosne i Hercegovine. Vanjskotrgovinska/Spoljnotrgovinska komora Bosne i Hercegovine, u partnerstvu sa USAID-Sida FIRMA Project Bosnia & Herzegovina i Kantonalnom privrednom komorom Tuzla, uz finansijsku podršku Federalnog ministarstva za razvoj, poduzetništvo i obrt, organizovale su zajednički nastup bh firmi - proizvođača namještaja od drveta, tapaciranog namještaja, kao i metalnog namještaja posebno sa primjenom u ugostiteljstvu i hotelijerstvu, na ovoj značajnoj privrednoj manifestaciji za širi region.



Na zajedničkom štandu, površine od 250 m² Bosnu i Hercegovinu su predstavljali "AMBYENTA FIS" Vitez, "MALAGIĆ" Živinice, EDEN GARDEN d.o.o. - Istočno Sarajevo, Obrtnička komora Tuzla, "Propak" d.o.o. Tuzla, "Rattan Sedia" Brčko Distrikt, Turistička zajednica FBiH i "UNIS" Udružena metalna industrija Sarajevo. Nakon svečanog otvaranja sajma, visoka delegacija predvođena predsjednikom Josipovićem obišla je sve sajamske prostora a značajno je pomenuti da se u ugodnom razgovoru sa Nedretom Kikanovićem predsjednikom Kantonalne privredne komore Tuzla, zadržala na zajedničkom izložbenom prostoru Bosne i Hercegovine. Inače, sajam u Splitu je ključno mjesto susreta brojnih proizvođača i trgovaca iz djelatnosti prehrane, pića, hotelske i ugostiteljske opreme,

prepoznat u poslovnim krugovima kao mjesto ugovaranja logistike za turističku sezonu. Najznačajniji je sajam ovog tipa u Hrvatskoj, pa i šire. Manifestacija bilježi stalan trend rasta, kako izlagačkog prostora, broja izlagača i posjetitelja, tako i broja sklopljenih i ugovorenih poslova. Jedini sajam u Hrvatskoj koji bilježi konstantan rast svih ekonomskih pokazatelja. U okviru sajma organizator je pripremio i niz kvalitetnih pratećih sadržaja. U okviru ovogodišnjeg sajma "Gast" održani su specijalizirani sajmovi prehrane, pića, hotelske i ugostiteljske opreme, vina, kafe, namještaja i sajam turizma, a sajam je pratilo i niz stručnih konferencija i poslovnih susreta. D.K.



Izdavanje ATA karneta PRVI OBRAČUNSKI PERIOD U 2013. GODINI

Nastavlja se izdavanje ATA karneta u Uredu Vanjskotrgovinske komore Bosne i Hercegovine u Tuzli pri Kantonalnoj privrednoj komori Tuzla. Podizanje dokumenata vrši se na mjestu gdje je zahtjev i podnesen. **"Kada su u pitanju izdati ATA karneti i dodatni listovi u periodu od 15. decembra 2012. do 20. marta 2013. godine kada je izvršen obračun, pristiglo je 86 zahtjeva. Od toga je bilo 37 zahtjeva za izdavanje ATA karneta i 49 zahtjeva za izdavanje dodatnih litova za ATA karnet. Od 37 zahtjeva za izdavanje ATA karneta 20 zahtjeva su podnijela fizička lica iz sljedećih opština: Tuzla, Bijeljina, Lukavac, Živinice, Kalesija, Tešanj, Vranjak, Srebrenik, Gračanica, Gradačac, Orašje i Brčko, a 17 zahtjeva su podnijele firme iz Tuzle, Obudovca, Gradačca, Brčkog, Usore, Bijeljine, Odžaka, Janje, Ugljevika i Banovića. 39 fizičkih lica podnijelo je zahtjev za izdavanje dodatnih listova a 10 zahtjeva stiglo je ispred privrednih društava",** izjavila je Suada Rekić stručni saradnik u Uredu za pružanje informacija o ATA sistemu i izdavanje ATA karneta Vanjskotrgovinske komore u Tuzli. Sve dodatne informacije, kao i potrebne upute o ATA sistemu i obrasce, zainteresirani mogu pronaći na web stranici Vanjskotrgovinske komore BiH www.komora-bih.ba ili direktno - na osnovu dole navedenih kontakt informacija kao i u Uredu Vanjskotrgovinske komore Bosne i Hercegovine u Tuzli pri Kantonalnoj privrednoj komori Tuzla - Trg slobode bb - 75000 Tuzla - Tel/fax: +387/35/258-266 i Fax: +387/35/258-271, Email: atatz@komorabih.ba - kontakt osoba: Suada Rekić.



Novosti iz Komore...

POSLOVNO- PRIVREDNI REGISTAR KANTONALNE PRIVREDNE KOMORE TUZLA



KANTONALNA
PRIVREDNA
KOMORA TUZLA

Kantonalna privredna komora Tuzla uz tehničku podršku firme "Miavision" doo Tuzla, izrađuje Poslovno-privredni registar Tuzlanskog kantona, koji će biti objavljen na internet stranici www.kpktz.ba i biće dostupan svima. Cilj projekta je da se na jednom mjestu objedine sve informacije vezane za poslovno - privredne subjekte koji djeluju na području Tuzlanskog kantona.

Registar trenutno raspolaže osnovnim informacijama: naziv, adresa, šifra i opis djelatnosti prema klasifikaciji djelatnosti BiH, kontakt osobu i broj telefona. Kako bi registar bio kompletniji, mole se sve firme da dostave sljedeće podatke: - kratak opis (primarna djelatnost, maksimalno 500 znakova) - broj uposlenih - web stranicu - e-mail adresu - logo (min.dimenzija 200px širine)- jedna fotografija (dimenzija minimalno 200x150 ili većih dimenzija). Tražene podatke možete poslati na e-mail edina@kpktz.ba. Za sva dodatna pitanja, kontaktirajte nas putem e-mail ili na broj telefona 035/258-260. Kontakt osoba Edina Kurtić.

NEPRAVILNOSTI U TURISTIČKOJ DJELATNOSTI



Udruženje za trgovinu, ugostiteljstvo i turizam Kantonalne privredne komore Tuzla održalo je vanrednu sjednicu Odbora Udruženja. Razgovaralo se o nepravilnostima u turističkoj djelatnosti sa kojima se turističke agencije organizovane u ovom Udruženju susreću u posljednje vrijeme. Kako su istakli predstavnici Odbora, sve češća je pojava da se turističkom djelatnošću bave oni koji nisu registrovani za ovu djelatnost. Na terenu, prema najnovijim informacijama a za šta postoje dokazi, ustanovljeno je da se organizovanjem obilazaka unosnih turističkih destinacija, organizovanjem turističkih putovanja u Beč i Budimpeštu, bave se mnogi pa čak i pojedini web portali. Organizuju se putovanja, konkretno je riječ o portalu Sodalive.ba, kako navode članovi brojnih turističkih agencija koji su prisustvovali sas-

tanku, a putem društvene mreže Facebook dijele se čak i nagrade za ova putovanja. Jedno od takvih putovanja bilo je i putovanje u Budimpeštu planirano 15. marta. "Možda u narednom periodu mi u turističkim agencijama počenom da prodajemo kifle, pivo ili siporex", pomalo u šaljivom tonu u glas izražavaju nezadovoljstvo turistički radnici. "Mi smo naslonjeni jedni na druge, trebamo jedni drugima, i mi medijima i oni nama. Ali je neophodno da svako radi svoj posao u okviru svoje djelatnosti. Zbog ovakvih nekorektnih poteza pojedinih medija i pojedina, mi se možemo organizovati i ako se ovo ne riješi, ako oni mediji s kojima regularno i korektno saradjujemo ne osude ovakav potez, vrlo vjerovatno prekinuti saradnju sa svim medijima, otkazati ugovore o reklamiranju, uskratiti ih za sredstva na koja su od nas planirali", sada već ozbiljnije poručuju predstavnici turističkih agencija. Upućen je sa ovog skupa poziv svim nadležnim institucijama, resornom ministarstvu i inspekcijama, da se u što kraćem periodu izvrši kontrola i navedenog web portala i svih ostalih za koje postoje informacije da se bave djelatnostima za koje nisu registrovani. Sa skupa je upućen dopis Ministarstvu za trgovinu, turizam i saobraćaj TK, Ministarstvu za nauku, obrazovanje, kulturu i sport TK te Kantonalnoj upravi za inspeksijske poslove i svim medijima u Bosni i Hercegovini a ovoj temi će se razgovarati i na narednim sjednicama Odbora Udruženja.

NOVA ČLANICA KOMORE: OPG "VESELČIĆ"

Obiteljsko poljoprivredno gospodarstvo / Srodna djelatnost « Veselčić » nalazi se u Špionici Srednjoj, Općina Srebrenik, Tuzlanski kanton, Bosna i Hercegovina. Proizvodnjom povrća posebice tikve bave se četiri godine. Namjera Nikole Veselčića vlasnika gospodarstva je da pažljivim odabirom sirovine, papirne i staklene ambalaže da novo lice tradicionalnim proizvodima. Proizvodi sa oznakom OPG "Veselčić" su u skladu s najboljim iskustivima u tradicionalnoj proizvodnji i bez upotrebe konzervansa. Sirovina je uzgojena prirodnim načinom bez mineralnih đubriva i pesticida što daje vrhunski proizvod po kakvoći, boji, okusu i mirisu. Proizvodi se mogu kupiti na sajmovima i izložbama zdrave hrane u BiH i Hrvatskoj, prodavnicama zdrave hrane i samom gospodarstvu.



D

K

IZAZOV



SALON NAMJEŠTAJA IZAZOV



www.izazov.ba



Što prije riješiti probleme...

OMOGUĆITI BRŽI IZVOZ ŠLJIVE

- Sjednica Odbora grupacije izvoznika šljive iz BiH -

Krajem februara je u Ministarstvu vanjske trgovine i ekonomskih odnosa održan sastanak sa poljoprivrednicima, predstavnicima Grupacije izvoznika šljive iz BiH pri Kantonalnoj privrednoj komori Tuzla. Kako je na skupu u Komori istakao Ibrahim Latifović predsjednik Odbora Grupacije izvoznika šljive iz BiH, jedan je ovo od rijetkih sastanaka sa kojih poljoprivredni proizvođači izađu zadovoljni: "Imali smo jedan konstruktivan sastanak, iznijeli smo svakodnevnu problematiku članica Grupacije. Obećana nam je značajna i sva potrebna podrška ovog Ministarstva kako bi u narednom periodu što kvalitetnije dočekali period izvoza i plasmana našeg proizvoda na strana tržišta. Želimo spremno dočekati ulazak Hrvatske u EU i odgovoriti svim zahtjevima za izvoz šljive, propisima koje nameće Evropska unija", izjavio je predsjednik Grupacije Latifović.



Problemi sa kojima se izvoznici susreću su vezani za obimnu i komplikovanu izvoznu dokumentaciju, carinske barijere, dugotrajno zadržavanje vozila sa voćem u carinskim terminalima: "Sa predstavnicima pomenutog Ministarstva smo dogovorili zajednički sastanak sa predstavnicima Uprave za indirektno oporezivanje, kako bi zajednički došli do najboljih rješenja. Želimo što kvalitetnije pravazici postojeće probleme, što brže doći do tržišta Zapadne Evrope". govori Latifović. Kada je u pitanju regija SI Bosne, proizvode se značajne količine kvalitetne šljive i šteta je da se gubi taj kvalitet, a samim tim i cijena, zbog navedenih problema. U konačnici, ne rješavanje pomenutih problema može dovesti i do gubitka tržišta, rečeno je na skupu u Komori. Sastanku je prisustvovao i Edin Ajanović ministar za poljoprivredu, šumarstvo i vodoprivredu Tuzlanskog kantona. Izrazio je ministar Ajanović spremnost Ministarstva na čijem je čelu, da se pomogne izvoznicima šljive: "Najbolje ćemo im pomoći tako što ćemo omogućiti kvalitetnu edukaciju. Pomoći ćemo tako da certificiramo njihove posjede, da im pomognemo da sortiraju i pakuju šljivu kako bi zadovoljili sve tehničke i tehnološke standarde koje zahtijeva Evropska unija. To je jedini mogući i jedini ispravan put da svima pomognemo", rekao je ministar Ajanović.

Na sastanku je u Komori izneseno nekoliko primjera koji ukazuju da je zadržavanje vozila na carinskim terminalima najveći problem, da je prozrokovalo do sada velike troškove, kašnjenja u isporuci, uticalo na kvalitet robe, te da je neophodno što prije pristupiti rješenju ovih problema. I ovom prilikom je istaknuto kako na pomenutoj regiji poljoprivredni proizvođači proizvode značajne količine visoko kvalitetne šljive koja bi, ukoliko se nastavi sa izvozom i kvalitetnim plasmanom ovog proizvoda, mogla otvoriti vrata i drugim kvalitetnim robama koje se proizvode na našem području. Naravno, sve to je potrebno prije jula, prije ulaska Hrvatske u Evropsku uniju. "Mi očekujemo da će sve biti riješeno do prvih dana jula kada naši prvi kamioni sa šljivom trebaju krenuti preko Hrvatske u EU. Ukoliko se to ne riješi mi ćemo pokušati rješenje potražiti i kod evropskih institucija u Sarajevu i Briselu. Želimo da naš proizvod koji je već našao svoje kupce, našao tržišta, proizvod na koji su se kupci u EU navikli, i dalje dolazi do svojih kupaca na vrijeme, u tačnim rokovima i sa visokim kvalitetom, kako evropski potrošači već i očekuju", izjavio je Suad Selimović sekretar Udruženja za poljoprivredu i prehrambenu industriju Kantonalne privredne komore Tuzla.

D.K.





Sjednice Odbora Grupacije za mlijeko TK ...

"UGASIT ĆE SE SVE FARME"

- U pitanju sve proizvodnje - Nikad teža situacija u proizvodnji mlijeka i poljoprivredi uopšte -

Udruženje za poljoprivredu i prehrambenu industriju Kantonalne privredne komore Tuzla, organizovalo je redovnu sjednicu Odbora Grupacije za mlijeko. Teme i ove sjednice koja je upriličena početkom marta u proširenom sazivu, bile su visine otkupnih cijena mlijeka, neisplaćeni novčani podsticaji, pojava opasnog aflatoksina u mlijeku. Bila je ovo prilika da se još jednom istakne kako na farmama koje egzistiraju na području Tuzlanskog kantona, nije zabilježen slučaj mlijeka zaraženog aflatoksinom. **"Mi i sa ovog mjesta poručujemo kupcima da pažljivo gledaju deklaracije na proizvodima i da kupuju mlijeko koje je proizvedeno u Bosni i Hercegovini kako bi bili sigurni da u njemu nema aflatoksina"**, izjavio je Suad Selimović sekretar Udruženja za poljoprivredu i prehrambenu industriju Kantonalne privredne komore Tuzla. Poljoprivrednici okupljeni u Grupaciju za mlijeko TK izazili su na skupu u Komori, nezadovoljstvo odnosom nadležnih institucija prema poljoprivredi.



"Stanje u poljoprivredi nikad nije bilo teže i svakim danom je sve gore. Neshvatljiva je nebriga nadležnih za ovakvo stanje i za poljoprivrednu proizvodnju uopšte. Mi bez podsticaja možemo samo da razmišljamo o zatvaranju farmi, već je znatan broj farmera to i učinio. Obćavano nam je da će podsticaji biti plaćeni do decembra ali na računima još uvijek nema saredstava. Sjetve će vjerovatno biti 30% manje nego je planirano, farme su prepolovljene, a ako se nastavi ovako sve će se pogasiti", rekao je Juso Halilović farmer iz Kalesije član komorske Grupacije. Mensur Mehmedović predsjednik odbora Grupacije za mlijeko TK pri Udruženju za poljoprivredu i prehrambenu industriju Kantonalne privredne komore Tuzla, naglasio je kako je svake godine poljoprivredne proizvodnje na ovom području sve manje. **"Ukoliko se ovaj trend nastavi, ukoliko se ne poduzmu određeni koraci ka popravljavanju situacije, tešku situaciju će osjetiti i potrošači. Biće prinuđeni da kupuju uvozne proizvode, dakle, uvozno meso i mlijeko, a svi smo svjedoci akutelnih zbivanja kada je u pitanju uvoz roba sumnjivog kvaliteta. Loša i nekvalitetna hrana postaje svjetski problem, svi**

o tome govore. Mi imamo i možemo da proizvedemo zdravu i kvalitetnu hranu i to je razlog više da se ulaže u domaću proizvodnju. U pitanju su dovedene sve proizvodnje, ne samo mlijeka, i kada se izađe na teren vidi se da sve lagano odumire", istakao je predsjednik Grupacije Mehmedović.



Poljoprivredni proizvođači već prilično dugo muku muče sa visinom cijene otkupa mlijeka. Poduzimane su brojne aktivnosti, sastanci, dopisi, prosvjedi, zahtjevi da se povisi cijena, ali sve bez uspjeha, čak se na terenu, kako ističu farmeri, bilježe i slučajevi snižavanja otkupne cijene što dodatno opterećava proizvodnju mlijeka i usložnjava ionako tešku situaciju. **"Već dugo je aktuelno i pitanje visine otkupnih cijena mlijeka. Iako se sa prerađivačima od prošle godine pregovara o novoj većoj cijeni, dogovora nema. Mi smo nekoliko puta tokom prošle godine sa prerađivačima razgovarali o cijenama, ali oni tada nisu bili spremi da prihvate zahtjeve proizvođača. Sada oni idu u pojedinačne pregovore sa proizvođačima i pokušavaju da provedu svoju cjenovnu politiku. Niko od njih se nije obratio Grupaciji kako bi se pokušalo zajednički doći do formiranja realnih cijena i nivoa kvaliteta mlijeka. Kada su u pitanju održivosti farmi, opstanak proizvodnje mlijeka, neophodne su realne cijene i neophodne su kvalitetne i redovne finansijske pomoći, podsticaji na svim nivoima koji mogu garantovati nastavak proizvodnje. Bez toga, teško će poljoprivreda opstati"**, rekao je Suad Selimović sekretar Udruženja za poljoprivredu i prehrambenu industriju Kantonalne privredne komore Tuzla.





Još jedan apel mljekara...

FARMERI NA RUBU PROPASTI

- Konferenciju za novinare organizovala Grupacija za mlijeko TK pri komorskom Udruženju za poljoprivredu i prehrambenu industriju -



Grupacija za mlijeko Tuzlanskog kantona koja djeluje u okviru Udruženja za poljoprivredu i prehrambenu industriju Kantonalne privredne komore Tuzla, organizovala je konferenciju za novinare. Nedavno je održana redovna sjednica Odbora ove Grupacije a između te sjednice i konferencije za novinare održana je i edukacija mljekara na temu Aflatoksin u mlijeku. Na redovnoj sjednici Odbora je iznesena sva aktuelna problematika mljekara na području Tuzlanskog kantona. Kao rezultat analize postojećeg stanja, razmatranja svih nepravilnosti sa kojima se susreću farmeri u proizvodnji mlijeka, nakon brojnih apela za spas farmi, proizvodnje mlijeka, za opstanak mljekarstva na ovom prostoru, upućen je Zahtjev za urgentno djelovanje nadležnim institucijama u TK-a u cilju zaštite domaće proizvodnje mlijeka i zdravlja stanovništva. **„Prerađivači mlijeka i mljekare na osnovu svojih internih analiza na aflatoksin, bez potvrđivanja rezultata analize laboratorija Veterinarskog zavoda TK-a, „toksično mlijeko“, su vratili farmerima, koji su na rubu propasti. Mljekari nisu uzrok pojave Aflatoksina u proizvodnji, a nisu u mogućnosti da sami finansiraju laboratorijske pretrage stočne hrane i mlijeka, kako bi dobili prave analize. Nisu u mogućnosti ni da sami finansiraju uništavanje toksičnog mlijeka niti su dobili dobili odštetu za njegovo neškodljivo uništavanje. Uputili smo Zahtjev na Seadu Čauševiću premijeru Tuzlanskog kantona, Edinu Ajanoviću ministru za poljoprivredu TK, Senaidu Hadžiću ministru za trgovinu TK, Nadi Pavlović-Čalić ministricu za zdravstvo TK, Besimu Durakoviću direktoru Kantonalne uprave za inspekcije. Niko od navedenih nije poduzeo nikakve mjere da se zaštiti domaća proizvodnja mlijeka i zdravlje stanovništva“**, izjavio je Mensur Mehmedović predsjednik Odbora Udruženja za poljoprivredu i prehrambenu industriju Kantonalne privredne komore Tuzla.

Kako je istakao Suad Selimović sekretar ovog komorskog Udruženja, zahtjevano je urgentno djelovanje na terenu, u cilju zaštite domaće proizvodnje mlijeka-stočnog fonda i zaštite stanovništva, od inspeksijski potvrđenog prisustva Aflatoksina u mlijeku kod domaćih proizvođača, a isto tako i u mlijeku koje se kao svježe u cisternama uvozi na naš Kanton iz Slovenije, Hrvatske, Srbije i Mađarske. **„Na sjednici Odbora grupacije za mlijeko TK u proširenom sastavu, izneseni su podaci predstavnika Kantonalne inspeksijske službe i Veterinarskih stanica sa terena te prerađivača mlijeka, da su na većini otkupnih stanica mlijeka koje su uzorkovane na prisustvo Aflatoksina, nalazi pozitivni. Tako je npr. na području općine Živinice uzorkovano 12 otkupnih stanica od čega je na 10 satnica potvrđeno prisustvo Aflatoksina više od zakonski dozvoljenog, na osnovu čega su mljekare isključile stanice iz daljeg otkupa mlijeka. Identična situacija je i na području Kalesije, Sapne i Gradačca, gdje je vršena kontrola mlijeka, a što nam daje za pravo da konstatujemo da je i na područjima gdje nije rađena analiza mlijeka stanje alarmantno. Toksično mlijeko, otkupljivači-mljekare, su ostavili farmerima, koji su na rubu propasti, koji nisu uzrok pojave Aflatoksina“**, izjavio je sekretar Selimović. Farmer Alija Đogić je o svom trošku uništio oko 7000 litara mlijeka u kojem je otkriven nedozvoljeni procenat ove toksične supstance. Ističe da, kada sabere izgubljeno zbog ne otkupljenog mlijeka, premije koje nije dobio, troškove uzorkovanja, odvoza, dovoza i uništavanja mlijeka, ukupni gubitak se kreće između 10 i 12 hiljada maraka. Prema informacijama koje su iznesene na konferenciji za novinare, toksično mlijeko pojedini farmeri prodaju na lokalnim pijacama što je dodatna opasnost za građane, riječ je o količini oko 10 hiljada litara mlijeka dnevno, direktni gubici farmera kreću se između 4 i 5 hiljada maraka dnevno, nadležni ne reaguju, situacija za farmere ali i građane je alarmantna.

D.K.





voćni rasadnik
srebrarenik

Magistralni put bb, 75356 Špionica

Tel: ++38735/369 789

Fax: ++38735/369 785

Direktor ++38735/369 788

Komercijala ++38735/369 790

Proizvodnja: ++38735/369 790

ID 4209161250008

Mjesto registracije: Općinski sud Tuzla

Web: www.vocnirasadnik.com.ba

E-mail: vocni.rasadnik@bih.net.ba



Djelatnost: Proizvodnja i prodaja voća i sadnog materijala





Skup proizvođača mlijeka u Komori...

EDUKACIJA PRIMARNIH PROIZVOĐAČA

- Aflatoksin u proizvodnji svježeg mlijeka na farmama Tuzlanskog kantona -



Udruženje za poljoprivredu i prehrambenu industriju Kantonalne privredne komore Tuzla, organizovalo je i drugu martovsku sjednicu Odbora Grupacije za mlijeko Tuzlanskog kantona u proširenom sazivu. Skup je organizovan kako bi se, sa predstavnicima USAID/Sida FARMA projekta, edukovalo poljoprivredne proizvođače o pojavi Aflatoksina u proizvodnji svježeg mlijeka na farmama Tuzlanskog kantona. Za razliku od podataka kojima se raspolagalo na prošlom sastanku ove Grupacije i koje su ukazivale da nema pojave otrovnih supstanci u kontrolisanim uzorcima mlijeka na području našeg kantona, nova su saznanja koja ukazuju na pojavu Aflatoksina u mlijeku u određenim otkupnim stanicama. Još uvijek nije potvrđeno o kojoj količini ove supstance je riječ u otkrivenim uzorcima ali je svakako to poziv za pripremu na ovakve pojave a kroz edukaciju primarnih proizvođača. Posljednje informacije kojima se raspolagalo pred skup u Komori, ukazivale su na pojavu Aflatoksina koji je u mlijeko dospio iz uvozne stočne hrane. "Ovo je veoma interesantna i aktuelna tema. Ne znamo da li otkriveni uzorci prelaze dozvoljene granice, ali smo neovisno o tome, ponudili našim farmerima jedan edukativni sadržaj, upoznali ih sa određenim rješenjima kada je u pitanju pojava Aflatoksina u proizvodnji svježeg mlijeka. Mi se koristimo ovom prilikom da sa ovog mjesta pozovemo i sve nadležne institucije da budu aktivni na terenu, da pomognu farmerima, da se što prije urade analize stočne hrane. Ukoliko se utvrdi da određena hrana sadrži Aflatoksin, da se što prije eliminiše iz ishrane muznih grla, naravno, ono što je ispravno da ostane u ishrani. Potrebno je uraditi analize u referentnim laboratorijama. Mi za sada uspijevamo eliminisati pojavu ove otrovne supstance još u primarnoj proizvodnji", izjavio je Suad Selimović, sekretar Udruženja za poljoprivredu i prehrambenu industriju Kantonalne privredne komore Tuzla.

Kako je istakao Mensur Mehmedović predsjednik odbora Grupacije za mlijeko TK pri Udruženju za poljoprivredu i prehrambenu industriju Kantonalne privredne komore Tuzla, veoma je značajno edukovati farmere o ovoj temi i predstaviti im problem Aflatoksina u mlijeku. "Iako je riječ o nepotvrđenim količinama Aflatoksina, iako je riječ o tek nekoliko uzoraka, imamo informacije sa terena da je već nekoliko stanica obustavilo otkup mlijeka. Zato je potrebno na vrijeme reagovati i pripremiti proizvođače na ovu pojavu. Također, vrlo je značajno i mi ih pozivamo da to urade, da inspekcije izvrše sve analize uvezene stočne hrane koja je uzročnik ove pojave. Sada na terenu dolazi do situacije da svi kontrolišu mlijeko a niko ne kontoliše stočnu hranu koja je glavni uzročnik ove pojave. Edukacija nam daje informaciju da nije dovoljno kontrolisati sirovo mlijeko, jer ono je faktički završen proizvod prerađevina stočne hrane. Glavni razlog ove pojave je u stočnoj hrani koja ulazi u našu zemlju bez adekvatne kontrole i direktno se odražava na proizvodnju mlijeka", istakao je predsjednik Mehmedović. I ovom prilikom je istaknuta teška situacija u poljoprivrednoj proizvodnji kojoj je ovaj slučaj, pojava Aflatoksina u mlijeku, samo dodatni teret i dodatna kočnica poboljšanju prilika.

D

K





Privredna kretanja – decembar 2012. godine



INDUSTRIJSKA PROIZVODNJA NA PODRUČJU TUZLANSKOG KANTONA

Privreda Tuzlanskog kantona je u 2012.godini u odnosu na 2011. ostvarila rast industrijske proizvodnje od 0,9%. Prema glavnim industrijskim granama, pad je zabilježen u proizvodnji energije (-23,1%), intermedijarni proizvodi osim energije (-5,3%) i netrajnih proizvoda za široku potrošnju (-8,2%) dok je rast proizvodnje zabilježen kod trajnih proizvoda za široku potrošnju (79,0%) i kapitalnih proizvoda (0,4%). U šesnaest privrednih grana je došlo do pada proizvodnje u odnosu na isti period prošle godine, dok je rast ostvaren u osam privrednih grana i to kod proizvodnje duhanskih proizvoda, tekstila, hemikalija, baznih metala, proizvodnji mašina i uređaja, električnih mašina, ostalih prevoznih sredstava, te namještaja i ostale prerađivačke industrije.





U 2012. godini iz Tuzlanskog kantona ukupno je izvezeno proizvoda u vrijednosti od 994.473.000 KM što je u odnosu na isti period prošle godine manje za 13,57%. U isto vrijeme je došlo i do pada uvoza od 9,48% te je uvezeno roba u vrijednosti od 1.242.794.000 KM. Pokrivenost uvoza izvozom je 80,02%, a u istom periodu prošle godine je bila 83,81%. Vanjskotrgovinski deficit je 248.321.000 KM. Rast izvoza je ostvaren kod industrijskih materijala, kapitalnih proizvoda i proizvoda za široku potrošnju, dok je do pada došlo kod izvoza hrane i pića, goriva i maziva i transportnih sredstava i njihovih dijelova. Rast uvoza u odnosu na isti period prošle godine u Tuzlanski kanton je zabilježen kod uvoza hrane i pića, kapitalnih proizvoda i proizvoda za široku potrošnju, dok je kod ostalih kategorija došlo do pada uvoza. Najznačajniji vanjskotrgovinski partneri Tuzlanskog kantona su Njemačka, Slovenija, Italija, Hrvatska i Austrija.

Široku potrošnju, dok je do pada došlo kod izvoza hrane i pića, goriva i maziva i transportnih sredstava i njihovih dijelova. Rast uvoza u odnosu na isti period prošle godine u Tuzlanski kanton je zabilježen kod uvoza hrane i pića, kapitalnih proizvoda i proizvoda za široku potrošnju, dok je kod ostalih kategorija došlo do pada uvoza. Najznačajniji vanjskotrgovinski partneri Tuzlanskog kantona su Njemačka, Slovenija, Italija, Hrvatska i Austrija.



Prema podacima Federalnog zavoda za zapošljavanje, u decembru 2012.godine u Tuzlanskom kantonu je bilo zaposleno ukupno 81.095 osoba. U odnosu na prethodni mjesec, broj zaposlenih je više za 1,0%, dok je u odnosu na prosjek 2011.godine manji za 2,2%. Prerađivačka industrija i trgovina zapošljavaju najviše osoba. Prema podacima Federalnog zavoda za zapošljavanje, u januaru 2013.godine je registrovano 98.737 nezaposlenih osoba ili 0,46% više u odnosu na decembar 2012. Prema stručnoj spremi, najviše je KV i NKV radnika, a slijede osobe sa srednjom stručnom spremom.



Prosječna neto plata u Tuzlanskom kantonu iznosi 739,70 KM što je ispod prosjeka Federacije BiH. U odnosu na kantonalni prosjek iz 2011.godine, došlo je do rasta neto plaća za 0,8% i bruto plaća za 1,0%. Najviše prosječne neto plate u Tuzlanskom kantonu su u sektoru proizvodnje i opskrbe el.energijom, plinom i vodom, dok su najniže prosječne neto plate u građevinarstvu.

STRUČNA SLUŽBA KOMORE

HERCEG

PVC i Al prozori i vrata

www.dooherceg.com

SREBRENİK

30

GODINA
TRADICIJE


1983-2013

HERCEG

Štedimo energiju,
čuvajmo okolinu!

TROCAL®

KÖMMERLING®



NLB Klik



Zbog Vas želimo biti još bolji!

Uz novo ime i nove pogodnosti. Od sada, izuzetno povoljna ponuda elektronskog, mobilnog i SMS bankarstva za fizička lica, uz jedinstvenu naknadu za sva tri servisa. Jača, stabilnija i sigurnija NLB Banka, Vama na usluzi 24 sata.

NLB  Banka
Znam raško.

www.nlb.ba

Kontakt centar: 035 259 259